

S A M Þ Y K K T

um stjórn bæjarmála í Ólafsfjarðarkaupstað.

1. gr.

Bæjarstjórn Ólafsfjarðar er skipuð 7 kjörnum bæjarfulltrúum. Þeir taka ákvarðanir á bæjarstjórnarfundum um þau málefni kaupstaðarins, er til bæjarstjórnar koma. Bæjarstjóra er rétt og skylt að sitja fundi bæjarstjórnar, en ekki á hann þar atkvæðisrétt, nema hann sé jafnframt bæjarfulltrúi.

2. gr.

Sérstökum málefnum kaupstaðarins stjórnar bæjarráð og aðrar fastanefndir, er bæjarstjórn kýs, með þeim takmörkunum, er síðar greinir.

Þessar nefndir eru:

1. Bæjarráð.
2. Vatns- og hitaveitunefnd.
3. Fjallskilanevnd.
4. Bókasafnsnefnd.
5. Niðurjöfnunarnefnd.
6. Byggingarnefnd.
7. Hafnarnefnd.
8. Kjörskrárnefnd.

Enn fremur kýs bæjarstjórn:

1. 5 menn í fræðsluráð kaupstaðarins og 2 menn í skólanevnd til 4 ára og jafnmarga til vara.
2. 2 menn í skólanevnd iðnskóla og 2 til vara.
3. 4 menn í stjórn Sjúkrasamlags Ólafsfjarðar og jafnmarga til vara.
4. 1 mann í heilbrigðisnefnd.
5. 2 endurskoðendur bæjarreikninga og tvo til vara til 3 ára.
6. 5 menn í barnaverndarnefnd og jafnmarga til vara.
7. Kjörstjórnir samkvæmt fyrirmælum kosningalaganna, svo og aðrar nefndir og stjórnir, er lög mæla fyrir um, að bæjarstjórn skuli kjósa.
8. 1 mann í fasteignamatnefnd.

3. gr.

Bæjarráð og aðrar fastar nefndir og stjórnir, sem eigi eru kosnar eftir sérstökum lögum, skulu kosnar til eins árs í senn. Nefndarkosningar skulu fara fram í febrúarmánuði ár hvert. Bæjarráð skipa 3 bæjarfulltrúar.

Um kosningu byggingarnefndar fer eftir byggingarsamþykkt Ólafsfjarðarkaupstaðar.

Enn fremur kýs bæjarstjórn bæjarstjóra. Skal hann kosinn eftir hverjar almenningar bæjarstjórnarkosningar og er kjörtímabil hans hið sama og bæjarfulltrúa.

Bæjarstjórn getur, þegar henni býður svo við að horfa, tekið mál til meðferðar og úrskurðað, þó falið sé fastri nefnd, og er það þá fallið undan þeirri nefnd. Þetta er þó með þeim takmörkunum, sem leiða af lagafyrirmælum um einstakar nefndir. Bæjarstjórn getur kosið sérstakar nefndir til að fjalla um einstök mál, þegar henta þykir, eða falið einstökum fulltrúa eða bæjarstjóra rannsókn máls eða framkvæmd.

4. gr.

Bæjarstjóri á sæti í bæjarráði og öllum öðrum fastanefndum bæjarstjórnarinnar, sem aukamaður, sé hann ekki jafnframt bæjarfulltrúi. Bæjarstjóri er formaður bæjarráðs, en auk þess er heimilt að kjósa bæjarstjóra formann annarra fastra nefnda bæjarstjórnar.

5. gr.

Kjörgengir í fastar nefndir bæjarstjórnar eru bæjarfulltrúar, og ef um er að ræða menn utan bæjarstjórnar, þeir, sem kjörgengir eru til bæjarstjórnar. Starfsmönnum bæjarins er skylt að mæta á fundum fastra nefnda bæjarstjórnar, ef þess er óskað af viðkomandi nefnd eða nefndarformanni. Eigi má kjósa fasta starfsmenn bæjarins sem endurskoðendur bæjarreikninganna.

6. gr.

Fundir í fastanefndum bæjarstjórnarinnar eru lögmætir, ef meiri hluti atkvæðisbærra nefndarmanna er á fundi. Ef nefndarmaður er forfallaður, tekur vara- maður hans sæti. Hver einstakur nefndarmaður hefur rétt til þess að krefjast þess, að fundur sé haldinn í nefndum bæjarstjórnarinnar, og er þá formanni viðkomandi nefndar skylt að hafa fund eins fljótt og hann telur tiltækilegt.

7. gr.

Bæjarráð heldur fund eins oft og því þykir þurfa, þó ekki sjaldnar en tvisvar í mánuði. Bæjarráð hefur með höndum eftirtalin mál bæjarins, stjórnar þeim og tekur um þau ákvarðanir, sem jafnframt eru tillögur til bæjarstjórnar og þurfa að öðlast samþykki hennar, svo gild séu:

- a) **Fjárstjórn:** Til þess heyrir umsjón og stjórn á fjárhag bæjarins og eftirlit með fjármálum allra fyrirtækja bæjarfélagsins, undirbúningur fjárhagsáætlunar, tillögur til úrskurðar á reikningum bæjarins og eftirlit með bókhaldi bæjar- sjóðs og bæjarfyrirtækja og með innheimtu gjalda. Bæjarráð skal ávísá öllum greiðslum úr bæjarsjóði, hafnarsjóði, vatns- og hitaveitusjóði og öðrum sjóð- um bæjarins.
- b) **Fasteignamál:** Bæjarráð hefur umsjón með öllum fasteignum bæjarins, svo sem húseignum, lóðum og jarðeignum. Það gerir tillögur um ráðstöfun þessara eigna og annast viðhald þeirra.
- c) **Framfærslumál:** Bæjarráð hefur með hendi stjórn allra framfærslumála í Ólafsfjarðarkaupstað. Bæjarráð stjórnar og elliheimili og barnaheimili bæjarins, ef slík fyrirtæki verða sett á stofn. Bæjarstjóri er jafnframt framfærslustjóri, nema til þess sé ráðinn sérstakur maður.
- d) **Brunamál:** Til þeirra teljast framkvæmd á öllum brunamálum bæjarins, skv. lögum og reglugerðum um brunamál og eftirlit með slökkviliði bæjarins.
- e) **Önnur mál:** Öll önnur mál, sem ekki eru falin sérstökum nefndum í samþykktum þessum, eða með sérstakri samþykkt bæjarstjórnarinnar, skulu heyra undir bæjarráð. Auk þess getur bæjarstjórn vísað þeim málum, sem henni sýnist, til bæjarráðs, þó þau heyri ekki sérstaklega undir það samkvæmt framanskráðu. — Bæjarráð skal halda sérstakar gerðarbækur fyrir hvern flokk mála, sem undir það heyra. — Starfsmenn hinna einstöku fyrirtækja bæjarins skulu ráðnir af bæjarstjórn, eftir tillögum bæjarráðs, nema lög og reglugerðir mæli öðruvísi fyrir.

8. gr.

Hafnarnefnd skipa 3 menn og 3 til vara. Nefndin hefur á hendi framkvæmd hafnarmála og eftirlit með höfninni, samkvæmt hafnarlögum Ólafsfjarðarkaup- staðar. Hún hefur auk þess eftirlit með innheimtu hafnargjalda.

9. gr.

Í kjörskrárnefnd eru kosnir 3 menn. Nefndin semur kjörskrá í samvinnu við bæjarstjórn í tæka tíð fyrir almennar kosningar.

10. gr.

Í stjórn Bókasafns Ólafsfjarðar skulu kosnir 3 menn. Stjórnin annast allan rekstur bókasafnsins samkvæmt sérstakri reglugerð þess.

11. gr.

Bæjarstjórn ræður alla starfsmenn bæjarins og veitir þeim lausn, nema hún feli einstökum nefndum það með samþykkt eða reglugerðum, eða heimili í erindisbréfi einstökum starfsmönnum að ráða sér aðstoðarmann. Allir starfsmenn skulu haga sér eftir reglum þeim, sem settar eru í samþykktum bæjarins og erindisbréfum þeirra.

12. gr.

Bæjarstjóri annast framkvæmd á málum þeim og ráðstöfunum, sem eru eigi öðrum falin og allar bréfaskriftir bæjarstjórnarinnar.

13. gr.

Þær nefndir, sem fjármál hafa með höndum, skulu innan þess tíma, er bæjarstjóri tiltekur, senda bæjarráði frunvarp að áætlunum um tekjur og gjöld mála þeirra, er undir þær heyra, svo og tillögur um, hvernig fjárveitingu skuli varið.

14. gr.

Til þess að breyta samþykktum þessum, þarf umræður á tveim fundum í bæjarstjórn og samþykkt meiri hluta atkvæða.

Samþykkt þessi, sem bæjarstjórn Ólafsfjarðar hefur samið og samþykkt, staðfestist hér með samkvæmt lögum nr. 58 29. marz 1961 til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt er úr gildi numin samþykkt um stjórn bæjarmála Ólafsfjarðarkaupstaðar nr. 91 30. apríl 1945.

Félagsmálaráðuneytið, 25. september 1964.

F. h. r.

Hjálmar Vilhjálmsson.

Hallgrímur Dalberg.